

Na Radisson Aruba Resort Casino & Spa Sweethearts' Dinner Dance a recauda fondo pa esnan incapacita



TUR cos a cuminsa na 1987 ora cu dos hoben tabatin cocolishi pa benta riba un mesa, cu un borchí anunciando cu "Tur ganashi lo bai na esnan incapacita."

Esaki a bira e simiña pa un idea cu a haci cu cuater miembro di e Aruba Beach Club a forma un organizacion sosteni pa nan amigonan, cual a haya e nomber Friends of the Handicapped y cu tabatin como meta pa yuda esnan den necesidad riba nos isla.

Den transcurso di e añanan FOH a logra recauda y distribui mas di US\$1,000,000.00 na varios organizacion cu ta duna cuida na e habitantenan di Aruba cu ta socialmente, fisicamente y mentalmente incapacita, unda cu 100% di e placa recauda ta wordo duna bek tur aña na fin di e temporada di winter, ora cu e miembronan di FOH ta regresa pa nan casnan na Merca despues di a pasa e winter akinan na Aruba Beach Club, Casa del Mar & Costa Linda.

Nan eventonan di recauda fondo ta inclui un Fiesta di Superbowl, un Sweethearts' Ball y coleccionnan semanal na e Santo Sacrificio di Misa cu ta tuma luga na Casa del Mar.

Na 2008, 15 organizacion a ricibi donacionnan cu hunto a yega un suma di Awg 77.000. Entre esnan cu a ricibi un donacion a figura: Mi Por, un organizacion



di mamanan cu yiunan incapacita; Imeldahof; Fundacion Edmund Harms; e scol pa esnan cu problema di oido, Funari & FEPO; Fundacion Respeta Mi, cual ta bringa contra abuso di mucha; Ambiente Nobo, Zuster Philothea su cas pa esnan incapacita; Ambiente Feliz & AVA, trahando cu muchanan cu necesidatnan special; Centro Kibrahacha; Bibito Pin; Fundacion Cas Marie, dedica na esnan sufriendo di dementia; e Clown Doctors, kendenan ta bishita nos ancianonan y tambe muchanan cu ta interna na nos hospital; Cruz Cora, dedica na prome reaccion despues di desaster y maneho di crisis; y Fundacion Pa Nos Muchanan.

E miembronan di directiva a traha duro pa bende e carchinan pa e evento mayor di recauda fondo pa 2009, y asina tambe crea un fiesta inolvidabel, e anochi prome cu Dia di San Valentin, cual a conta cu tremendo cuminda, musica bailabel, rosanan cora, regalonan y un subaste silencioso ademas di varios sorpresa. E directiva ta encabesa pa Presidente Art Stark y ta conta como miembronan energetico Steve Wild, Philip Solomon, Maryann La Carruba, Anoushka Maduro, Pauline Daley, Alma Stark, David Ulmschneider, Sal La Carruba, Linda Todman y bolutarianan Jean y Huguette



Vatiquette.

Un danki ta bai na e sponsornan generoso, Noble Jewelers, Playa Linda beach Resort, Casa del Mar Aruba Beach Club, Kenro Jewelers, Kay's Fine Jewelry, Gemani Jewelers, Westin Aruba Resort, Trac Car Rental y Little Switzerland.

